

(<https://news.usm.my>)

Berita Mutakhir

10
NOV

PROGRAM 'CIKGU PRIHATIN' TUMPU PENJAGAAN KEBAJIKAN MAHASISWA/I PENDIDIK USM



USM, PULAU PINANG, 10 November 2016 - Kelmarin berlangsung perasmian program Cikgu Prihatin oleh Dekan Pusat Pengajian Ilmu Pendidikan (PPIP), Profesor Dr. Hairul Nizam Ismail yang merupakan salah satu program anjuran MPP PPIP USM dalam terus menjaga kebajikan para mahasiswa/i golongan pendidikan di pusat pengajian.

Menurut MPP PPIP, Norhafiz Bin Nordin, program Cikgu Prihatin merupakan salah satu intipati dalam manifesto beliau yang kedua di mana ianya lebih tertumpu kepada penjagaan kebajikan mahasiswa/i pendidik.

"Penggunaan istilah "cikgu" bertujuan untuk menanam benih jiwa pendidik manakala "prihatin" digunakan untuk melatih diri supaya mempunyai sifat empati dalam diri supaya dapat membantu golongan yang memerlukan," katanya.

Tambahnya, skop Cikgu Prihatin lebih tertumpu kepada kebajikan mahasiswa/i khususnya jika berlaku kematian ibu/bapa dalam kalangan mahasiswa/i pendidik, tabung Cikgu Prihatin akan digerakkan; jika mahasiswa/i pendidik mempunyai masalah, kecelaruan, cadangan ataupun aduan boleh terus disuarakan melalui laman Facebook MPP PPIP (Majlis Perwakilan Pelajar 16/17) melalui 'Cikgu Prihatin'; dan jika ada pihak sama ada dalam kalangan pensyarah pendidik mahupun mahasiswa/i pendidik yang ingin memberikan sumbangan dari segi kewangan ataupun barangan boleh disalurkan terus melalui 'Cikgu Prihatin'.

Teks : Hafiz Meah Ghouse Meah

Foto : MPP PPIP USM



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my).

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015